



Pero non só de trigo vive o home. Por elo, a AVV de Covas voltou onte sacar os arados ó campo, pero nesta ocasión para sementar millo.

Arredor de trinta persoas, entre cativos e maiores, participaron nesta nova cita coa agricultura. Familias enteiras, avós, fillos e netos traballaron durante toda a mañá para sementar tres ferrados de terra con oito quilos de millo. Axudados por un cabalo e ataviados con sombreiros de palla e algunha pañoleta para protexer a cabeza do sol, os novos "agricultores" remataron con éxito a plantación. Agora queda esperar.

Pero, a cousa non queda aí, porque onte Covas deu un paso máis no que a recuperación de tradicións agrícolas se refire. Da man da compañía Ti e Máis Eu Teatro chega a Ferrol o movemento "Artespantallo", unha iniciativa que nace coa intención de recuperar a figura do espantallo como "elemento fundamental da paisaxe rural galega". Onte na leira de Covas quedaron "plantados" os cinco primeiros espantallos dun proxecto que Ti e Máis Eu Teatro porá en marcha a partir do ano que vén. Polo de agora están a realizar unha campaña de promoción pero a súa intención e chegar a realizar unha ruta turística polo rural tendo como fío condutor os espantallos. Preténdese, deste xeito, eliminar os elementos artificiais (botellas, plásticos, cedés,...) que a día de hoxe se utilizan para afastar os



Nenos e maiores colaboraron nas tarefas de semente na parroquia de Covas

CARLOS CARBALLEIRA

Maínzo e espantallos para continuar coa tradición

A parroquia de Covas non descansa no seu empeño de recuperar as tradicións agrícolas.

Unha tarefa que comezou en xaneiro do ano pasado coa plantación de trigo e que rematou varios meses despois coa Festa do Pan, elaborado artesanalmente e con produtos 100% "made in Covas". A iniciativa tivo tanto éxito que o pasado mes de febreiro os veciños do lugar voltaron saír ó campo para repetir a experiencia e sementar tres novos ferrados de trigo.

animais das leiras. "Artespantallo" é un movemento que naceu en Pontevedra ó abrigo da asociación A Cañada da Arte, de Covelo. Ti e

Máis eu Teatro foi a compañía elixida para expandir o proxecto en Ferrolterra. Josefa Deibe, presidenta da formación, participou

onte na semente de Covas coa intención de comezar a promover o proxecto. A súa vontade é participar en todas as iniciativas

deste tipo achegando diferentes actividades culturais (contos, títeres, teatro...) co obxectivo de implicar a todo o mundo na recuperación destas tradicións.

A intención da AVV é mostrar e recuperar todo o proceso agrícola. Onte deuse o primeiro paso pero aínda restan por diante varios meses nos que os veciños terán que encargarse de coidar a leira. Haberá que sacchar a terra e arrincar as malas herbas que poden impedir que o millo saia ben e despois chegará o momento da recollida e a esfolia. Por último, haberá que desgranar as mazorcas e ir ó muíño con elas para ter fariña e con ela elaborar pan totalmente artesanal. Unha vez concluído todo o proceso –co trigo farase o mesmo– a intención da asociación veciñal e celebrar unha nova edición da festa do pan. Un pan que pode presumir de ser 100% natural xa que en Covas non utilizan ningún tipo de abono artificial para o cultivo do trigo e do millo.

Pablo Villamar, vicepresidente da Deputación da Coruña, acudiu onte en representación da institución provincial ata Covas. Alí destacou o carácter lúdico e didáctico da actividade sinalando a continuación que "a agricultura hai que valorizala e prestixiala". "Este tipo de iniciativas son moi importantes para amosar ós nenos as tradicións porque ás veces teñen a impresión de que as cousas nacen no supermercado", explicou.

en corto

ORTIGUEIRA

Últimas audicións para elixir os mellores músicos do IX Ciclo de Novos Intérpretes

■ O Teatro de Beneficencia acollerá ó longo do día as últimas probas de selección do IX Ciclo Novos Intérpretes, do Concello de Ortigueira. Onte celebráronse as audicións das categorías de menores de 14 anos e de 14 a 18. Hoxe, a partir das dez da mañá, os vinte e catro músicos de entre 18 e 25 anos que se presentaron ó certame deberán demostrar ante o xurado (no que participa o director da Banda de Ferrol, Narciso Pillo, e a pianista Natalia Lamas) as súas habilidades.

ASAMBLEA

Alfredo Vergara despídese da asociación Ferrándiz

■ A Asociación socio cultural Ferrándiz celebra ás once da mañá unha assemblea xeral. Durante o acto homenaxearase a Alfredo Vergara, que deixa a entidade.

AUDIOVISUAL

A curta "A princesa Alegría" de Coca emítase na TVG

■ A curtametraxe "A princesa Alegría" do ferrolán Rubén Coca emítase esta noite (arredor da unha da noite) na TVG. Será no trascurso do programa de cine "Onda Curta".



O compositor belga durante o seu concerto

DANIEL ALEXANDRE

MÚSICA

A Win Mertens Ensemble cautivou ó Jofre cunha actuación chea de forza

■ O compositor, cantante, pianista e guitarrista belga Win Mertens cumpriu onte coas expectativas levantadas arredor do seu concerto do Jofre. A Win Mertens Ensemble –un quinteto de vento– ofreceu un espectáculo cheo de forza e musicalidade, un recital onde a potencia da voz de Mertens tivo moito protagonismo.

PONTEDEUME

A biblioteca itinerante estará en Centroña

■ A biblioteca itinerante de Pontedeume estará ata o vindeiro mes de xullo na AVV de Centroña. Abrirá todos os xoves ás oito da tarde. Ademais, desde a biblioteca infórmase que está aberto o prazo para participar na excursión cultural que organiza a institución. Nesta ocasión trátase dunha ruta polos castelos de Andrade, Narahío e Moeche. Será o 28 de xuño e a saída está prevista para as once da mañá. As persoas interesadas en participar na ruta deberán de formalizar a súa inscrición na biblioteca eumesa. Os menores de idade deberán achegar autorización paterna.